

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Historie von Herzog Ernst von Bayern [Fassung F]**

**[Straßburg], 1477**

[Text]

[urn:nbn:de:bsz:31-134706](https://nbn-resolving.org/urn:nbn:de:bsz:31-134706)

mendlin von der vogel baissen vnd stechen mit den schneblen  
belüb hertzog Ernit aber den loblichen syz vnd machet den  
pigmanen vor den vögeln sölichen güttten fryd das er vnd die  
sinen zu mal vil erschlugen vnd erschussent das sye jnen fürbas  
nimmer me kein leid noch vnru tettet vnd lebend mer dā an  
gantz jar überflüzigliche allein vor jrer vemd der vogel fleisch  
nach dem vnd der hertzog mit den zwergmendlin nun wider  
beym von der insel kament da saget der pigmenen künige den  
hertzogen vnd die sinen groß ere vñ danck vñ den über wintz  
lichen sig der nydischen vogel vnd trüg jm für gold vnd silber  
vnd sonder kostliche edels gestein vnd bat in das er es zu lon  
nem dz wolt der hertzog mit von jm niemen aber er bat in wi  
der vmb fleysziglichen dz er jm der natürlichen pigmenē zwey  
gebe des in der künig geweret vnd gab jm der seiner diener  
zwen Also mit des künigs vnd sines volcks andechtygen segen  
zoch der hertzog mit grossen freuden die er het mit vngeliche  
frilen vnd schimpff der zwey kleinen mendlin vnd sines grossen  
risen den er auch mit jm het genomen vnd kam wider in das  
land Ormaspi da er dā wonūg het vnd er ward aber von dē  
selben künig vnd allem sin eygen volck mit fleyszigen trüwen  
erlichen empfangen .

Wie hertzog ernst einē tags mit sinen aller liebsten dienern bei  
dem gestad des möze gieng spatziere da sach er ain kyel.